



*A Iean Seruin.*

DIVERS temperamens soustienent nostre corps.  
Par Elemens diuers ceste machine ronde  
En son estre se tient. Brief l'un & l'autre monde  
Subsiste doucement par discordans accords.  
Combien que nous sentions maints horribles discords  
Es estats, es maisons, sur la terre & sur l'onde:  
Dieu scait tout accorder par sagesse profonde,  
Son vueil & son honneur demourans les plus forts.  
Ces graues tons, SERVIN, estonnent ma pensee:  
Mais elle se redresse en oiant les doux sons  
Et discords accordans es humaines chansons:  
Et par dessus le monde incontinent hauffee  
D'oreille nette entend l'accord melodieux  
Des Esprits celebrans le Dieu de tous les dieux.

*En attendant.*

